

欽定中樞政考

欽定中樞政考目錄卷之二十九

八旗

訓練

盧溝橋演放礮位

暫停演放礮位

演放礮位議處

八旗滿洲蒙古另戶步甲操演

八旗漢軍操演烏鎗礮位

健銳營操演

城內滿洲火器營操演

城外滿洲火器營操演

圓明園護軍營操演鳥鎗

左右兩翼前鋒營操演鳥鎗

內務府三旗護軍營新鎗營陳鎗營操演鳥

鎗

正陽等九門門甲操演鳥鎗

各直省滿綠各營訓練兵丁

教演八旗漢軍操練鳥鎗

操演鎗礮不齊處分

各旗營支領火藥等項咨報兵部查覈

預領藥鉛存貯備用

操演放過鉛子拾回

驗看前鋒護軍馬步箭

護軍專習騎射

考驗世職騎射國語

東三省兵丁毋庸兼習長矛

各省兵丁兼習長矛額數

欽定四庫全書  
名  
八旗合操

八旗合操呈遞職名

補放八旗官員該管大臣驗看騎射

射中布靶分別賞賚

官兵弓力定制

官兵習射

操演籐牌

演習雲梯

演吹海螺

步行較獵

操演兵丁

盧溝橋演放礮位

一八旗漢軍每年秋季每旗各出礮九位

制勝礮二

位神威礮七位

共七十二位並將各城門歸入之渾

銅紅衣德勝發煩臺灣神功木鑲等礮按門

輪流挨次演放以四門爲一次

第一次鑲黃正黃二旗出

演安定門東便門德勝門西便門第二次正白正紅二旗出演東直門廣渠門西直門廣

安門第三次鑲白鑲紅二旗出演朝陽門左安門阜城門右安門第四次正監鑲藍二旗

出演崇文門永定門陽門宣武門週而復始

正每屆三年於每旗

應出礮九位內兵部酌撥一千劬神功礮二

位五百勛制勝礮二位四百勛神威礮五位  
又於八旗酌撥九節十成銅礮一位輸出九  
節十成礮旗分卽少出神功礮一位又於八  
旗輪派二千勛以上無敵大將軍銅礮一位  
共七十三位奏請帶往盧溝橋自九月初一  
日起至初五日止每日每礮演放三出五日  
共演放十五出每屆三年將兵部堂官開列

職名奏請

欽點一員前往驗看一次如值驗看之年適遇武會



試於九月初五日開考外場兵部堂官分圍  
監試難以分身改於九月二十一日至二十  
五日演放如驗看之年不值會試仍於九月  
初一日至初五日舉行每年應派監放大臣  
由鑲黃旗漢軍都統會同各旗漢軍都統開  
列職名奏請

欽點都統副都統各一員并請

欽派御前侍衛乾清門侍衛八員管轄礮車如遇

皇上巡幸之時留京辦事王大臣奏派門上侍衛八

員每旗仍各派管理礮營叅領一員章京驍  
騎校各五員監管火藥官二員每佐領下領  
催一名兵五名每旗礮手四十名除該班外  
俱行派往先期請礮赴盧溝橋演放之日祭  
礮畢將礮位無論大小重輕均各於一百步  
設立礮靶演習無敵大將軍神功制勝神威  
九節十成等礮每礮演放十五出中十三出  
爲合式渾銅紅衣德勝發煩臺灣神功木鑲  
等礮每礮演放十五出中十出爲合式若中

不及額欠少一二出者將礮手責四十棍少  
中三出以上者責八十棍如能多中一出者  
礮手賞銀一兩二出以上者賞銀二兩俱在  
八旗漢軍房租款內動支礮營叅領於所管  
礮位每礮俱少中一二出者記過一次年終  
叅領分內紀錄不准給與每礮俱少中三出  
以上者礮營叅領照例議處

例載處分別  
例營伍門如

每礮俱能多中一出者礮營叅領紀錄一次

每礮俱多中二出以上者紀錄二次若中數

僅能合式或並非全數多中少中毋庸議處  
議敘至每礮演放十五出應用火藥烘藥鉛  
鐵子藥信火繩等項數目俱視礮位大小合  
計帶往演畢後監放大臣將演過之礮按位

黏封交該礮營存記挨次運往演放

如制勝礮每旗

各設六位每年出演二位三年始行一週凡  
演過礮位至第四年方許出演其餘各礮各  
旗額設數目多寡不一俱做此輪流出演  
俟演礮時監放大臣會

同侍衛等詳細查驗黏封年分如有將未屆  
應演年分礮位誤行運出充數演放者據實



後卽行簽記覈計四年之中卽可通行出鈔  
每屆三年各旗於出鈔礮位內均勻搭配二  
十七位隨同八旗局礮運往盧溝橋八旗台  
立一營演放五日每日每礮各演三出卽令  
欽派演礮大臣監視演放覈計二十四年一週其放  
出之鉛丸係屬碎子毋庸計算準頭成數儘  
收儘銷

一赴盧溝橋演放礮位之驍騎校兵丁等每日  
各給飯銀一錢於起程前八旗礮營造冊由

戶部支領應用帳房及火藥火繩鉛子鐵子木牌支杆該旗營先期移咨工部領取俟回京之日將帳房繳還工部至所需器具運腳等項於事竣之日八旗礮營造報戶部支領神機神樞礮位秋季出銹所需運腳亦由戶部支領

一八旗滿洲火器營子母礮四十位每年秋季俟八旗漢軍礮位演放完竣後奏請帶往盧溝橋演放五日派出翼長二員管礮營叅領

八員印務筆帖式一員藍翎長二十名隊長  
二十名甲兵四百四十名前往將滿洲火器  
營大臣繕寫綠頭牌奏請

欽點一員前往驗看操演兵丁等每人每日給路費  
銀一錢其應用帳房車價祭礮馱礮馬匹以  
及火藥鉛子鐵子木牌等項俱由火器營移  
咨各該處領取



暫停演放礮位

一八旗漢軍並

正陽等十六門礮位遇兵部查看演放之年恭逢  
皇上前往

盛京謁

陵兵部將應演礮位之處奏請暫行停止俟次年仍按  
期演放

演放礮位議處

乾隆五十二年九月內奉

上諭阿揚阿等此次驗看八旗漢軍演放各項礮位將所中數目開單具奏看來正黃等六旗演放尚好著交部照例辦理外至鑲黃正白二旗演放礮位所中不及額數此皆各該旗大臣平素並未留心嚴加管教之所致若僅將兵丁等治罪不足以懲著將官員等交部嚴加議處並將該管二旗大臣等一併交部議處著爲例欽此

八旗滿洲蒙古另戶步甲操演

嘉慶十九年二月內奉

旨英和等奏酌議教練步甲技藝一摺步甲一項專在堆撥柵欄當差向無操練之例自嘉慶十一十七兩年酌撥額缺挑選八旗滿洲蒙古正身閑散充補此內年力精壯堪以造就者必不乏人自應教演技藝予以進身之階著將此項步甲每旗滿洲揀選四十二名蒙古揀選十名共四百名於各該旗附近地方設立公所挑取健銳營出身步軍校八員統率練習各

頂技藝由該步軍統領等督率翼尉勤加訓練如果技藝嫻熟三年後每旗拔取一人賞給金頂領催再三年後於領催八名內擇其技藝尤精者二人賞給六品頂帶再三年後拔取一人保送委步軍校此後每年祇准保送一員其所需公費等項著於內務府官房租庫並廣儲司撥存制錢內賞借錢五萬串發交長蘆鹽政生息解交該衙門備用其原欸准其分限歸還餘俱照所請行欽此

一八旗另戶步甲每旗滿洲揀選四十名蒙古

揀選十名共四百名於各該旗附近地方設立公所每旗操演鳥鎗十桿每月逢單日操演除朔望日停操每年四月十五日起至七月十五日止減半操演每日每桿演放鳥鎗五出每出用火藥三錢烘藥三盞火繩一寸按月由工部支領又每旗操演白蠟桿二十桿單刀二十把專派由健銳營出身熟諳教練步軍校八員統率練習各項技藝每月責成翼尉看操六次步軍統領等看操二次分

別技藝等第給與公費每旗頭等十名公費銀一兩二等十五名公費銀五錢三等二十  
五名公費銀三錢每旗領催二名由正身旗  
人充當隨同步軍校辦事莫吉格四名由戶  
下步甲撥往承應雜差自嘉慶十九年爲始  
行之三年如果教練嫻熟由步軍統領等於  
每旗拔取一人賞給金頂領催加給公費銀  
三兩再三年後於領催八名內擇其技藝尤  
精者二人賞給六品頂帶加給公費銀五兩

再三年後於六品頂帶二人中拔取技藝尤  
精者一人保送委步軍校此後每年祇准保  
送一員其所需公費於步軍統領衙門撥交  
長蘆鹽政生息銀內支給

八旗漢軍操演鳥鎗礮位

一八旗漢軍鳥鎗每年秋季各在本旗教場操演二次兩黃旗教場六營合操一次每次每旗上隊鳥鎗兵二百名演三進四連環陣式每名各演三十七出護礮鳥鎗兵一百名演三十步老連環陣式每名各演十八出仰山窪合操一次每旗上隊鳥鎗兵二百名演九進十連環陣式每名各演三十三出護礮鳥鎗兵一百名演三十步連環陣式每名各演



十八出又自八月十六日起至十二月止每  
旗各挑精壯烏鎗兵三百名每月操演三次  
共十五次每次每兵演放十出又演標準三  
次每次每兵演放十出每次每出用火藥三  
錢烘藥二盞火繩一寸演放標準每次每兵  
用三錢重鉛子十枚每旗木牌五面俱由工  
部支領操演之日該旗都統等官親往驗看  
並閒散官員俱往教場公同閱看其居住新  
營房兵丁每年秋季每旗挑選兵丁四十名

四旗合操一次本旗操演六次再演放鉛丸  
三次每次每兵演鳥鎗三出每出用火藥二  
錢烘藥二釐火繩一寸又演放鉛丸每次每  
兵用鉛子三枚共用鉛子九枚每旗木牌一  
面由管新營房叅領呈明該旗轉咨工部支  
領

一八旗漢軍礮位每年秋季各出神威礮十位  
在本旗教場操演二次兩黃旗教場操演一  
次每次每位各演九出仰山窪合操一次每

位各演十五出每出用火藥八兩烘藥三錢  
火繩一寸由工部支領

健銳營操演

一健銳營額設烏鎗三千桿每月逢四逢九日期八旗合操雲梯護梯烏鎗大隊烏鎗馬上三鎗過馬扎槍貫跤騙馬等技藝逢二逢七日期八旗合操雲梯護梯烏鎗馬上三鎗過馬騎射軟硬弓步射舞刀舞鞭等技藝初一十六日期翼長等按翼輪看四旗步射其餘四旗令本旗前鋒叅領分閱逢五逢十日期翼長等按翼輪看四旗過堂烏鎗其餘四旗

金定戶本正考卷三十一  
令本旗前鋒叅領分閱自四月十六日起至  
七月十五日止每月操演烏鎗十日每逢操  
演烏鎗之日每日每桿各操演五出每出用  
火藥三錢烘藥三釐馬鎗火繩二寸步鎗火  
繩一寸按月由工部支領

一健銳營戰船恭遇

皇上駐蹕

圓明園每年自三月初一日起至九月三十日每  
日出派翼長一員叅領二員前鋒校二員前

鋒六十九名左右兩翼輪流操演預備

皇上閱看若遇進

宮及

巡幸行圍每月逢三逢八日期兩翼輪流操演再該  
營前鋒等演水每年自初伏日起隨同操船  
日期操演至出伏日停止

一健銳營操演人等如果技藝優嫻該管大臣  
分別獎賞馬上三鎗邊馬優嫻者各賞銀一  
兩騎射驅馬優嫻者各賞銀六錢軟硬弓步

射優嫻者各賞銀三錢登雲梯優嫻者賞銀  
二錢貫跤一等者賞銀一兩二等者賞銀八  
錢三等者賞銀六錢舞刀舞鞭一等者各賞  
銀五錢二等者各賞銀三錢以上應賞銀兩  
在本營滋生銀兩內動用賞給如操演中等  
者嚴飭演習庸劣者責懲勒令學習倘仍不  
能嫻熟革退駁回本旗

城內滿洲火器營操演

一滿洲火器營鳥鎗三千四十四桿每年春季  
各在本旗教場操演三進四連環陣式十次  
每次每兵演十五出演標準五次每次每兵  
演五出每年秋季各在本旗教場操演三進  
四連環陣式九次每次每兵演十五出演標  
準五次每次每兵演五出兩黃旗教場合操  
七次每次每旗用兵一百四十名每兵演二  
十七出本旗六營合操二次兩旗六營合操



一次每次每旗用兵一百二十名每兵演二十七出仰山窪八旗六營演九進十連環陣式合操一次每旗用兵一百二十名每兵演三十出每出各用火藥三錢烘藥二釐火繩一寸按季由工部支領鉛丸動用木營滋生銀兩製辦子母礮四十尊每年秋季木旗六營合操二次兩旗六營合操一次兩黃旗教場合操七次每次每尊各演三十四出仰山窪八旗六營合操一次每尊各演四十出內

一尊每出用火藥三兩烘藥二分火繩一寸  
二十一尊每尊每出用火藥二兩五錢烘藥  
二分火繩一寸十八尊每尊每出用火藥一  
兩五錢烘藥一分火繩一寸由工部支領

一滿洲火器營每月各在本旗教場操演馬鎗  
三次每次每旗用兵三十名每兵演十五出  
每出用火藥三錢烘藥二釐火繩二寸按月  
由工部支領

一滿洲火器營春秋二季每季操演標槍各五

次每季章京等看二次  
臣輪班閱看閱看之日如果準頭好中靶多者兵丁量加獎賞章京護軍校等記功若準頭平常中靶少者兵丁記責嚴飭演習章京護軍校等記過如三次準頭仍屬平常者兵丁革退駁回本旗章京護軍校等按其所管兵丁優劣多寡分別叅處

一滿洲火器營兵丁著該管官帶領各赴本旗教場每月演習步射六日騎射六日馬上三

鎗長鎗過馬六日其餘之日除該班差務外  
著該管官帶領各集本旗公所演習清話步  
射馬架上比式騎射三鎗過馬扎槍等項技  
藝該管大臣仍不時按期考閱

城外滿洲火器營操演

一城外滿洲火器營額設鳥鎗二千八百七十  
九桿每月在本營教場逢二逢五逢八日期  
八旗操演大隊鳥鎗陣式一馬三箭一馬三  
鎗過馬扎槍步射硬弓步射舞刀舞鞭步刺  
騙馬跳馬跳駝貫跤等技藝逢三逢九日期  
八旗操演一馬三箭一馬三鎗過馬扎槍步  
射硬弓步射舞刀舞鞭步刺騙馬跳馬跳駝  
貫跤等技藝逢四逢七日期八旗操演過堂

金史卷之二十一  
三  
鳥鎗逢一逢六日期操演八旗官箭逢十日  
期操演八旗馬箭凡操演鳥鎗之日每人各  
演五出每出用火藥三錢烘藥三釐馬鎗火  
繩二寸步鎗火繩一寸由工部支領

一城外滿洲火器營每年四月十六日起至七  
月十五日止停止操演鳥鎗陣式仍按日操  
演各項技藝

一城外滿洲火器營將七歲以上十一歲以下  
養育兵閑散內挑選一百名於每月逢三逢

九日期操演小過堂鳥鎗預備

皇上閱看

一城外滿洲火器營戰船恭遇

皇上駐蹕

圓明園每年自三月初一日起兩翼輪流按日出

派翼長一員叅領二員護軍校二員護軍六

十九名左右兩翼輪班操演船上鳥鎗並爬

桅預備

皇上閱看若遇逸

宮及

巡幸行圍每月逢三逢八日期兩營兩翼輪流操演  
船上鳥鎗至霜降日停止再該營護軍等演  
水每年自初伏日起隨同操船日期操演至  
出伏日停止

一城外滿洲火器營每年春秋二季每季各在

本營教場裝盛鉛丸演放鳥鎗五次

鉛丸動用木營

滋生銀兩製辦火藥烘藥火  
繩在於月操內通融應用

每季章京等看

二次翼長等看三次該管大臣輪班前往閱



看閱看之日如果準頭好中靶多者兵丁量  
加獎賞章京護軍校等記功若準頭平常中  
靶少者兵丁記責嚴飭演習章京護軍校等  
記過如三次準頭仍屬平常者兵丁革退駁  
回本旗章京護軍校等按其所管兵丁優劣  
多寡分別叅處

圓明園護軍營操演烏鎗

一

圓明園八旗包衣三旗護軍營額設烏鎗一千桿

每年自十月內

皇上

皇后進

宮之日起至封印之日止每日操演按三十日演

放一百出每出用火藥三錢烘藥三釐火繩

一寸由工部支領

左右兩翼前鋒營操演鳥鎗

一左右兩翼前鋒營共設鳥鎗五百五十七桿

左翼四旗共鳥鎗二百八十一桿  
右翼四旗共鳥鎗二百七十六桿  
每年自八

月初九日起至十二月十九日止每月操演

四次每次各演三出每出用火藥二錢烘藥

二釐火繩一寸由工部支領

內務府三旗護軍營新鎗營陳鎗營操演烏

鎗

一內務府三旗護軍營額設烏鎗六百六十桿

新鎗營額設烏鎗六百桿

內撥往 團明團  
操演一百五十桿

陳鎗營額設烏鎗六百桿

內撥往 團明團  
操演一百五十桿

每年自九月初五日起至十月止各操演十

次每次各演十五出每出用火藥二錢烘藥

二釐火繩一寸由工部支領

正陽等九門門甲操演鳥鎗

一

正陽崇文宣武朝陽阜成東直西直安定德勝等  
九門每門額設鳥鎗二十桿共一百八十桿  
每年分爲春秋二季操演每季各演九次每  
次各演十出每出用火藥二錢烘藥二盞火  
繩一寸由工部支領

各直省滿綠各營訓練兵丁

道光元年十月內奉

硃諭朕恭閱嘉慶五年

皇考仁宗睿皇帝實錄內載國家設兵原以衛民全在  
平時操練方能得用第承平日久文恬武嬉各營伍  
將弁往往自耽安逸竟不以操練爲事而該管上司  
又復不加查察以至日漸廢弛著各該督撫提鎮務  
須隨時認真操練使之技藝嫻習悉成可用之兵以  
飭營伍而重巡防等因欽此仰見我

皇考聖慮深遠有備無患之至意因思我朝開創之初  
八旗軍鋒所指無不克敵制勝厥後統一寰區武  
功者定外而各省亦俱建立營伍分防駐守鉅法  
良規盡美盡善溯查乾隆年間西陲用兵兩金川  
平定八旗勁旅曷爲得力人才亦復輩出此後嘉  
慶初年三省教匪滋事全賴

聖謨廣運克奏膚功八旗官兵打仗出力者固不乏人  
究未能全數收其實效如昔日者也皆由管領教  
練之人平時漠不關心因循懈弛坐令國家有用

之兵日就荒廢深爲可惜更堪憤恨如健銳火器  
兩營操練本屬認真遇事亦能得力然近日風氣  
亦不逮從前遠甚至於前鋒護軍諸營亦非從前  
可比而滿蒙漢二十四旗之兵更難過問矣雖一  
切情形不能與健銳火器兩營並論然亦不可藉  
此推諉視爲具文甘爲廢棄其東三省官兵原屬  
驍健乃根本之地更不可稍形荒廢嗣後該管王  
大臣等務須遵照舊規加意操練何人某項技藝  
優長何人馬上最爲嫻熟全在平日留心分別記



憶或隨時量加鼓勵或陞轉秉公拔擢總在該管  
之人不辭勞瘁公正乃心方能漸收實效用復舊  
規若不實心經理經朕看出或因事顯露朕惟該  
管之人是問勿謂教之不豫也至各省駐防以及  
綠營兵弁原屬強弱不一強者固不可日漸廢弛  
罷軟者更不可不勤加操練著飭知各省將軍督  
撫提鎮等嗣後必應力返積習加意訓練破除惰  
面舉黜公平於常練之外每日應如何操練之處  
著各該將軍督撫提鎮等悉心定擬不必會銜一

明白回奏候朕定奪既經此次奏定之後務要  
實力而行不可徒作空言亦不可過於苛細務期  
一日有一日之功一兵有一兵之用若不實心操  
練仍視爲泛常經朕覺察或隨時看出決不寬恕  
用副朕安不忘危保衛民生之至意將此通諭中  
外知之特諭欽此

教演八旗漢軍操練鳥鎗

乾隆五十一年四月內奉

上諭八旗漢軍鳥鎗披甲每年自八月起至十二月止  
操演鳥鎗僅止該旗大臣閱操何能熟練嗣後著交  
管理火器營大臣自八月起至十二月止每逢八旗  
漢軍鳥鎗披甲操演鳥鎗時火器營大臣輪班前往  
操演處所會同該旗大臣留心指教操演欽此

嘉慶十八年十月內奉

旨綿億等奏請八旗漢軍操演鳥鎗專用上隊馬甲共

二千四百名按二十二次操演所領鉛彈每名各散給三十個按次演放操演火器原期施放熟練方能中的著卽照所議行再御鎗處官兵技藝向俱精熟嗣後八旗漢軍每屆操演之期著每旗咨取御鎗處一人前往教演如有施放不能合格者令其隨時指撥俾一律精純悉成勁旅本年仍卽按期操演欽此

操演鎗礮不齊處分

一八旗火器等營經該管大臣操演鎗礮如有  
施放遲誤不能整齊者將帶操章京并監操

翼長分別議處

例載處分別  
例營伍門

各旗營支領火藥等項咨報兵部查

一在京各旗營操演鎗礮應需火藥烘藥鉛丸  
鐵子火繩等項每屆操演之時先期將應行  
操演烏鎗兵丁花名以及礮位數目造冊送  
部兵部按例覈明知照工部覈給火藥等項  
令其操演倘冊報後額設兵丁遇有出差告  
假等項事故及額設烏鎗出差帶往者卽行  
咨報兵部將所餘火藥等項留爲下屆操演  
應用於下屆支領冊內聲明扣抵毋得遺漏

多願

預領藥鉛存貯備用

一八旗漢軍鎗營礮營內外火器營左右兩翼  
前鋒營健銳營步軍營巡捕五營

圓明園八旗包衣三旗護軍營內務府三旗護軍  
營新鎗營陳鎗營等處各按操演藥鉛數目  
預領軍需火藥鉛丸一分於各該旗營公所  
存貯嚴派官兵專管預爲包封妥固以備需  
用時按名散給此項火藥每屆十年出陳易  
新作爲尋常操演火藥應用仍預領一分存



時其尋常操演藥鉛仍照舊支領

操演放過鉛子拾回

一八旗兵丁操鎗所放鉛子該旗派出官兵拾取所得實數登記檔案每年歲底將領過工部鉛子數目併拾回放出鉛子數目得有幾成之處交值年旗彙總奏

聞交納工部如派出拾取鉛子人等不實力奉行或

私買添補者查出將該管官照例議處

例載處分

則例營伍門

驗看前鋒護軍馬步箭

一八旗前鋒護軍包衣三旗護軍火器營護軍  
健銳營外火器營

圓明園兵丁等馬步箭兵部三年一次於二月內  
奏請

欽點大臣驗看將領侍衛內大臣八旗大臣等職名  
按左右翼繕摺進

呈恭候每翼

欽點四五員會同各該管大臣等於三月初間卽行

驗看限於四月十六日停操以前驗看完畢  
如有騎射生疎者據實叅奏交部將該管大  
臣并該管官員分別議處

例載處分別  
例軍政門

護軍專習騎射

嘉慶四年十一月內奉

上諭軍機大臣會同兵部議覆護軍統領永玉奏派護  
軍等演習鳥鎗之處應毋庸議所奏甚是我朝

太祖以來滿洲兵丁只以馬步射爲尚並未  
有別項器械後雖設立火器健銳等營演習鳥鎗而護軍營仍  
照舊演習馬步射今該護軍統領永玉所奏令護軍統  
演習鳥鎗誠越職言事將此通諭前鋒統領護軍統  
領等自今以始各於其所轄兵丁分內之技藝務期

演習至善不可擅改舊例欽此

考驗世職騎射國語

乾隆十八年十二月內奉

上諭騎射國語乃滿洲之根本旗人之要務朕今歲校閱京城世爵其騎射可觀及人材英俊者已施恩選取侍衛並分在各處令其學習行走其射箭甚劣不堪教化者查明革職另行承襲至各省駐防亦皆有世爵若不教訓騎射國語伊等近於素餐安逸之習必致學爲不善著各省將軍都統等將伊等不時教導務使騎射優嫻國語純熟如有教訓不悛騎射甚

劣者該將軍都統等卽指名參奏革職另行承襲欵

此



東三省兵丁毋庸兼習長矛

嘉慶十一年十月內奉

上諭觀明等接奉將應否揀選兵丁加演長矛定擬具奏論旨奏稱該處兵丁生計暨地方情形俱不相宜請令伊等仍務舊業勤習馬步箭鳥鎗及一切馬上技藝請旨一摺所奏甚是東三省兵丁等均資打獵爲生於馬步箭鳥鎗等技藝原屬精銳虎鎗亦爲熟練今若令伊等與綠營兵丁一體兼習長矛誠恐於伊等演習馬步箭鳥鎗一切馬上技藝不無妨礙著

交盛京吉林黑龍江將軍等將該管兵丁等均毋庸  
兼習長矛務令伊等演習舊業馬步箭鳥鎗馬上技  
藝等項期於精熟欽此

各省兵丁兼習長矛額數

嘉慶十一年十二月內奉

上諭德楞泰等奏酌議陝甘各標營於弓箭兵內挑十分之二兼令習矛製造丈尺有定不得過長等語一摺營伍軍器以弓箭鳥鎗爲重必當操演精熟以昭武備至長矛一項祇係挑刀藤牌等雜技中之一前因河北鎮總兵蔡鼎奏請於弓箭兵丁內酌派十分之二兼習長矛曾諭令各省營制酌定額兵演習因思長矛究非營伍緊要技藝兵丁於練習弓箭鳥鎗

外兼習其技以資擊刺原無不可若因練習長矛於  
弓箭鳥鎗轉致生疎殊屬輕重失宜非所以飭戎器  
而講武藝也且矛桿過長於運用不靈尤不足資擊  
刺若云深林密等長矛較爲便利則更無此理嗣後  
各省營制訓練卒伍總當以操演弓箭鳥鎗爲正技  
長矛祇可令其兼習並著於額兵內祇酌定十分之  
一不許過額其製造矛桿不得過一丈如有違式製  
用者經該管大員查出卽嚴行懲治並將該將領一  
併叅處將此通諭知之欽此

八旗合操

一 每年秋季兵部傳行八旗各營官兵各在木旗教場操演二次又將八旗各營官兵分爲兩班於兩黃旗教場各操演一次再將八旗各營官兵會集一處於仰山窪操演一次其

隊伍號令官兵數目俱按大閱圖式

內惟滿洲火器

營從前合操原係鳥鎗護軍一千九百二十名與大閱兵丁名數相符自乾隆三十八年分建外火器營以後每年合操祇城內護軍九百六十名入隊放鎗如遇大閱仍按圖式將城內護軍酌派一千九百二十名入隊放鎗

一 每年秋季八旗合操時各該旗營大臣等親身入隊帶領操演閱兵大臣前往查閱各該旗營大臣官員內如有託故不到者卽行查

叅議處

例載處分則  
例營伍門

八旗合操呈遞職名

嘉慶六年十月內奉

諭從前每年閱兵八旗都統前鋒統領護軍統領副都統等祇在閱兵處呈遞職名並不與閱兵大臣見面後因諾穆親祇遞職名未親身前往被閱兵大臣查出奏奏後遂於每閱兵時令各旗都統前鋒統領護軍統領副都統等務須親身至彼處與閱兵大臣見面等因酌定但閱兵大臣內並非均係親王郡王都統內有兼閱兵大臣者而親王郡王內亦有兼管

都統事務者每年閱兵若令衆親王郡王各自前往  
面見閱兵大臣與禮儀不甚相合將此交閱兵大臣  
嗣後閱兵時都統前鋒統領護軍統領副都統等親  
身至閱兵處仍照舊例呈遞職名毋庸面見閱兵大  
臣如此更定後此內如有祇遞職名而不親身前往  
者被閱兵大臣查出卽行指名叅奏斷不可徇情代  
爲遞護欽此



補放八旗官員該管大臣驗看騎射

乾隆四十年七月內奉

上諭騎射係滿洲本業前因八旗官兵廢弛本業不肯用心學習經朕屢加訓飭今日閱在京八旗大臣等送到引見人員步箭甚屬不堪且有年歲尚輕所射非不至步輒卽擦地而去甚至有任意放箭幾至傷人者成何事體此內因應行補放之人步箭平常將擬陪者補放以示懲儆外至八旗大臣等所司何事送來引見之人伊等豈未先期驗看如果曾經驗看

何以竟將此等人員挑選總由大臣等全不以事爲事所致所有此次在京挑選引見人員之都統副都統等俱交部議處並將此通諭八旗官兵等嗣後若仍有似此者不惟將該管大臣等議處必將伊等從重治罪欽此

射中布靶分別賞賚

嘉慶七年七月內奉

旨據總理行營王大臣等奏此次射中布靶人員賞賜一摺著卽照所奏賞給但摺內所稱遇有事故不能隨圍者仍將賞銀繳回之處宜稍加分別辦理朕閱衆僕步射其中數應至賞給者分別賞給綉緞馬匹銀兩原爲操演衆僕之便以示鼓勵非因派出隨圍始行賞給若不能隨圍卽令繳回賞銀竟似因隨圍賞給反不足以示鼓勵矣嗣後射中布靶其數至應

賞人員內或遇陞任或調別差或奉他役及遇親喪  
事故等正項公務雖不能跟隨前往所有應得賞項  
照舊賞給倘有因事革退降級等故不能隨往者再  
令繳回賞給銀兩著爲令欽此

官兵弓力定制

嘉慶十九年七月內奉

旨朕此次閱看各營官兵步箭好者朕卽立加恩獎平庸者亦示懲儆矣惟伊等所射箭枝或不到或雖中靶不能貫革是皆弓軟之故凡各營挑取兵丁俱將能挽六力弓者挑取方合定制其不能挽六力者亦有進身之途或由考試或挑別項差役原不應挑取兵丁著管理各營大臣嗣後挑取兵丁務將能挽六力弓者再行挑取挑取後責成該章京等妥爲訓練

如能挽七力者益善卽或不能亦應挽六力著管理  
兩翼前鋒營八旗護軍營前鋒統領護軍統領等將  
官兵等技藝妥爲訓練朕明年閱此次未看之各營  
官兵等步射如仍有照常似此弓軟者定將該管大  
臣等治罪欽此

官兵習射

嘉慶十八年十一月內奉

諭旨八旗滿洲蒙古漢軍都統副都統前鋒統領護軍統領等各具奏操演章程內載定例每年四月十六日起至七月十五日止停止操演自因夏令暑熱雨水較多暫行停操但四五月之交尚非大雨時行之際天氣亦未至溽暑仍著照常演習改自五月十六日起至七月十五日止一體停操等因欽此

一在京各旗營官兵演習騎射每年除封印齋

戒忌辰等日期及五月十六日起至七月十  
五日停其演習外其餘月分每月於初二初

六十一十六二十一二十六等日午時各營

按照操演處所

左翼前鋒營在朝陽門外鑲  
白旗教場右翼前鋒營在阜

城門外南城根鑲黃旗護軍營在安定門外  
東城根正黃旗護軍營在德勝門外東城根  
正白旗護軍營在東直門外北城根正紅旗  
護軍營在西直門外北角樓鑲白旗護軍營  
在朝陽門外苗家地鑲紅旗護軍營在阜城  
門外教場處正藍旗護軍營在崇文門外西  
城根鑲藍旗護軍營  
在宣武門外西城根八旗滿洲蒙古漢軍驍

騎營官兵按照各甲喇輪流派入演射名數



每佐領派領催一名兵三名前赴本旗箭亭俱令各射五

枝並於逢六日期加演馬箭如遇停止官操之期仍於一六日期在各該旗公所箭道操演步射是日午候該管大臣親往稽察校射前鋒統領護軍統領內遇有進班事故令隨同辦事叅領校射其習射官兵等除出差進班及實有事故之人外有不到者係職官申飭記過兵丁鞭二十七至三次者係職官照例議處兵丁責革若該管大臣有徇庇官兵

者照徇庇例議處

例載處分則  
例營伍

一八旗官兵每年春秋二季每季撥甲習射步  
箭二次各旗擬定日期咨明兵部稽察

一八旗官兵每年春秋二季由兵部定期傳行  
習射馬箭三次如有年過六十歲者免其騎  
射

一官兵習射之期該都統副都統親往演習射  
法各該旗預將校射大臣官員職名及習射  
獎賞花名造冊送查旗御史查覈是日該御

史仍親往稽察如該管大臣有不行親往演

射者卽行叅奏照例議處

例載處分則  
例營伍門

操演籐牌

一八旗漢軍籐牌兵每旗一百名每旗於叅領  
副叅領內選派一員章京驍騎校各二員領  
催各五名管轄籐牌兵每年春秋二季四旗  
合操四次八旗合操二次漢軍都統副都統  
閱看操演

演習雲梯

嘉慶元年三月內奉

上諭昨據畢沅奏賊匪屯聚當陽城內現用礮轟擊等語此等么磨烏合各路大兵雲集自早已悉數殲除但以礮轟城虛糜火藥與磚石爲敵實爲拙計業經降旨訓飭因思健銳營向設有雲梯一項專挑兵丁習演最爲趨捷卽如目下荊州剿捕賊匪若該處滿兵習用雲梯豈不易於蕪事何至用礮攻擊致耽時日嗣後外省有駐防滿兵處所該將軍等亦當做法

挑選數百名演習雲梯而綠營中兵數較多每省督撫提鎮標下亦可酌挑一二千名使之隨時演習俾臻精熟兵可百年不用不可一日無備所謂凡事豫則立但不可有名無實耳將此各諭令知之欽此

演吹海螺

一八旗海螺由兵部行文春季於二月十五日  
演吹起三月初一日止秋季於七月十五日  
演吹起八月初一日止兵部派員稽察

步行較獵

一八旗於每歲孟冬步行較獵二三次值年旗預行奏

聞每佐領下派領催各一名馬甲各三名官員酌量派出該旗大臣親身帶往至侍衛粘竿鷹狗等處拜唐阿由各旗行文該處酌派二十名或三十名與旗下官兵同往



操演兵丁

一八旗官兵每年七月十六日起至次年五月十六日止令其開操再自封印日起至開印日止停其操演兵部預期奏

聞